

DIASABRA 23 JUNI 2018

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

1.50 FLORIN

CORTE

**15 Aña di
prison exige
pa Tilico L.
den caso di
asesinato**

Virmary Quandt y Linda Tromp debe gobierno 1.6 miyon Florin

- Den caso di fraude na departamento di enseñanza
- Nan a bringa nan inocencia den corte comun di Caribe hulandes
- Nan no tabata satisfecho y a bay casacion.
- Riba pagina 3 por lesa tocante tratamento di e caso.

Armando Curet di C.A.P. a divulga cu e boramentonan a start

- Repsol y Total a cuminsa cu boramento di prueba den e area di exploracion rond di nos isla.
- Despues lo sigui varios fase mas y henter e exploracion por tuma varios aña mas.
- Lesa mas di esaki riba pagina 9.

Presidente Raymond Gradus di CAft:

"Aruba a cumpli suficientemente cu recomendacionnan di CAft pa presupuesto 2018"



ORANJESTAD (AAN): Pa riba termino corto por subi riba e caminda cu ta conduci na finansa publico sostenibel, e Colegio di supervision financiero Aruba (CAft) a duna tres recomendacion. Durante di su bishita CAft a constata cu a cumpli suficientemente cu e recomendacionnan aki. Pa aworaki, esaki ta duna CAft suficiente confianza. Di e recomendacionnan por lesa den varios articulo den edicion di awe.

Presidente Raymond Gradus di CAft:

"Aruba a cumpli suficientemente cu recomendacionnan di CAft pa presupuesto 2018"

"Importante ta pa stipula a corto plaso un cuadro legal di norma nobo cu ta dirigi riba finansa publico sostenibel"

ORANJESTAD (AAN): Pa riba termino corto por subi riba e caminda cu ta conduci na finansa publico sostenibel, e Colegio di supervision financiero Aruba (CAft) a duna tres recomendacion. Durante di su bishita CAft a constata cu a cumpli suficientemente cu e recomendacionnan aki. Pa aworaki, esaki ta duna CAft suficiente confianza. Mirando e situacion preocupante di e finansa publico, CAft a bolbe mostra riba e necesidad pa yega mas pronto posibel na un cuadro legal di norma. Pa realisa mehoracion di finansa publico den forma sostenibel y reduccion di e posicion di debe, ta necesario pa yega mas lihe posibel na un surplus riba e presupuesto.

Cumplimento suficiente cu recomendacionnan:

Den espera di palabracionnan entre Aruba y Hulanda tocante di un cuadro legal di norma pa 2018-2021, den juni CAft a duna tres recomendacion a base di e presupuesto aproba.

Na prome luga a recomenda pa laga e deficit presupuestario di 2018 ta mas abou cu e deficit presupuestario di 2017. Den e ultimo simannan Aruba a entrega datonan cu ta indica

cu e entrananan no procedente di impuesto pa un total di 17,5 miyon Florin di Refineria di Aruba (RdA) ta suficientemente realistico. Den 2018 ya a transferi un montante di 9,9 miyon Florin. Banda di esey a recomenda pa e gastonan di personal calcula pa mas aña baha mester demonstra cu nan tin tendencia di ta bahando.

Pa lora ta trata gastonan di personal, Aruba a presenta un plan di personal den cua ta aspira pa laga e gastonan di personal calcula pa mas aña baha nominalmente. Pa 2018 ta tuma medida cu ta reduci e gastonan di personal cu 12 miyon Florin. Cu esaki ta cumpli tambe cu e recomendacion di CAft pa no permiti e gastonan di personal subi, den comparacion cu 2017. Si ta importante pa Parlamento mas pronto posibel aproba e presupuesto suplementario cu ta relaciona cu esaki. Finalmente CAft a recomenda pa no sobrepasa e cota di debe maximo di 90% di Producto Domestico Bruto (PDB/GDP). Aruba a haci e promesa cu den 2018 y 2019 e lo no haci mas fianza (di termino corto) cu ta necesario, loke ta haci posibel pa efectivamente e cota di debe



keda bou di 90% di PDB.

Cuadro nobo di norma:

CAft ya a conclui cu e compensacion di deficit di 2017 no por keda realisa den 2018 manera e Ordenansa di Aruba di supervision financiero temporal (LAft) ta prescribi y cu di e forma aki e norma di LAft di un surplus di 0,5% di PDB ta keda fuera di alcanse. Pa denter di un termino corto subi e caminda cu ta conduci na finansa publico sostenibel, ta necesario pa yega na un cuadro legal di norma nobo.

E combersacionnan cu Aruba

y Hulanda ta sostene tocante di e topico aki ta andando, pero CAft a bolbe enfatisa pa yega na un cuadro di norma legal pa 2018-2021 y tambe pa mas pronto posibel realisa un surplus riba presupuesto, ya por cuminsa pone paso riba e caminda pa yega na finansa publico sostenibel.

Ultimo bishita di miembronan di Colegio Sybilla Dekker y Robert Croes. Ademas di hiba combersacion tocante di e resultadonan di e prome kwartaal, durante di e bishita aki a tuma despedida

tambe di miembronan di Colegio Sybilla Dekker (miembro riba proposicion di Hulanda) y Robert Croes (miembro riba proposicion di Aruba). Tur dos e miembronan cu ta despedi, tabata envolvi for di inicio di CAft riba 1 di augustus 2015 y nan ta mira back riba un cooperacion cu Aruba cu ta mehorando cada bes mas. Sybilla Dekker ta relata tocante di su periodo den CAft: "Kedando den combersacion cu otro, Aruba y CAft por a pone e pasonan necesario den desaroyo di supervision financiero na beneficio di finansa publico sostenibel. Robert Croes ta confirma esaki y ta aña: "Tabata un honor pa riba proposicion di mi pais mi por a forma parti di e Colegio y semper mi a haci esaki semper a base di honor y consenshi".

Bishita di trabao CAft:

Manera ta costumber durante di e bishitanan di e Colegio na Aruba, a hiba combersacion cu Gobernador, Minister di Finansa, Consejo di ministronan y e Comision Parlamentario di Finansa, Asuntonan Economico y di Organizacion di Gobierno.